



ՄԱՅՐ ԱԹՈՌՈՒՄ

Ապրիլի 4-ին, կիրակի.—Ծաղկազարդ.

Օրվա մեծ տոնի առիթով Մայր տաճարում և պատարագ է մատուցում տ. Մուշեղ վրդ. Պետիկյանը:

Ս. պատարագին ներկա էր Վեհափառ Հայրապետը:

Երեկոյան Մայր տաճարում, Վեհափառ Հայրապետի նախագահությամբ և ավանդական հանդիսությամբ, կատարվում է «Դռնբացէք»-ի սրտառույշ արարողությունը:

* *

Ապրիլի 8-ին, Առաջ հինգշաբթի.—Յիշատակ ընթերցեց Տեառն մերոյ Յիսուսի Քրիստոսի.

Մայր տաճարում միջօրեի և պատարագ է մատուցում տ. Հովհաննես քհն. Մարությանը: «Հայր մեր»-ից առաջ բեմից Մայր տաճարի լուսարարապետ տ. Հայկազուն արքեպ. Արքահայանը ընթերցում է օրվա մեծ տոնի առիթով գրված և Բարսեղ Հայրապետի մեծ աղոթքը:

Երեկոյան ժամը 17-ին Մայր տաճարում, Վեհափառ Հայրապետի հանդիսատիությամբ, կատարվում է «գկարգ Ոսկուային», իսկ «ի գիշերին» հսկումն է: Հսկումի արարողությանը նախագահում է Վեհափառ Հայրապետը և ընթերցում առաջին Ավետարանը:

Հսկումի արարողության ժամանակ տ. Հայկազուն արքեպ. Արքահայանը «Փառք

ի բարձունս»-ից առաջ քարոզում է՝ «Ո՛վ Յուդա, համբուրելո՛վ մատնես զվարդապետըն» բնաբանով՝ բացատրելով մատնության և խաչելության խորհրդի հոգևոր, փրկարար նշանակությունը:

Եկեղեցին լիքն էր հավատացյալների բազմությամբ, որոնք մինչև գիշերվա ժամը 23-ը երկյուղած բարեպաշտությամբ հետևելով էին սրբազան ու սրտառույշ արարողությանը:

* *

Ապրիլի 9-ին, Առաջ ուրբաթ.—Յիշատակ չարչարանաց և խաչելութեան Տեառն մերոյ Յիսուսի Քրիստոսի.

Սուսվոյան ժամը 10-ին Մայր տաճարում կատարվում է չարչարանաց և խաչելության կարգը ըստ Տոնացույցի, ողջ միաբանության և ուսանողության մասնակցությամբ:

Երեկոյան ժամերգությանը Վեհափառ Հայրապետի նախագահությամբ կատարվում է թաղման կարգը և ապա Մայր տաճարի շուրջ՝ եռադարձ «Թափօր թաղմանն», հավատացյալների հոծ բազմության ներկայության:

* *

Ապրիլի 10-ին, Առաջ շաբաթ.—Ծրագալույց Զատիկի.

Առավոտյան ժամերգությունը պաշտվում է Մայր տաճարում:

Երեկոյան Վեհափառ Հայրապետը նախագահում է Մայր տաճարում Զատիկի Ծրագալույցի արարողությունը և ընթերցում Արարչագործության պատմությունը Ծննդոց գրքից:

Հոգևոր ճեմարանի ուսանողները և սեղանի բեմից ընթերցում են «Դանիել»-ը:

Ծրագալույցի հանդիսավոր և պատարագը մատուցում է տ. Հուսիկ եպս. Սանթուրյանը:

Ս. պատարագի ավարտին Վեհափառ Հայրապետի նախագահությամբ կատարվում է Զատիկի նախատոնակը և Մայր տաճարի կամարների տակ հնչում է հաղթական «Այսօր լարեա» հոգեգնայլ շարականը:

Արարողության ավարտին Վեհափառ Հայրապետը եկեղեցական թափորով առաջնորդվում է Վեհարան, ուր օրհնում է միաբանությանը:

* *

Ապրիլի 12-ին, երկուշաբթի.—Յիշատակ մեռելոց.

Մայր տաճարում և պատարագ է մատուցում տ. Խորեն վրդ. Էլչունյանը: Հավարտ և պատարագի տեղի է ունենում «հոգեհանգիստ» վասն համօրենց ննջեցելոց»:

* *

Ապրիլի 14-ին, չորեքշաբթի.—Այսօր Վեհափառ Հայրապետի կարգադրությամբ հին տոմարով Զատիկի սրբազան արարողություններին մասնակցելու համար Օրջոնիկիձե մեկնեցին տ. Գևորգ վրդ. Սեդախյանը և Արարատ սրկ. Գալստյանը, Կիրովապոլ. տ. Նշան քհն. Բեյլերյանը և Արտաշես սրկ. Մուշեղյանը, իսկ Զալդր (Հյուսիսային Կովկաս)՝ տ. Կարապետ քհն. Հովնանյանը և Ծավարշ սրկ. Աշուրյանը:

* *

Ապրիլի 18-ին, կիրակի.—Կրկնագատիկ. Նոր կիրակի.

Այսօր Մայր տաճարում և պատարագ է մատուցում տ. Օշին վրդ. Նիկոլյանը և «Հայր մեր»-ից առաջ քարոզում Քրիստոսի հարության հոգևոր, փրկագործ նշանակության մասին:

Հավարտ և պատարագի Վեհափառ Հայրապետի նախագահությամբ կատարվում է հոգեհանգիստ՝ «ի յիշատակ բիրատոր նահատակացն մերոց համաշխարհային առաջին և երկրորդ պատերազմաց»:

* *

Ապրիլի 24-ին, շաբաթ.—Յիշատակ բիրատոր նահատակացն մերոց, որք կատարեցան ընթացս համաշխարհային առաջին պատերազմի.

Ապրիլյան եղեռնի 56-րդ տարեդարձի առիթով Մայր տաճարում և պատարագ է մատուցում տ. Հուսիկ եպս. Սանթուրյանը:

Ս. պատարագին ներկա է Վեհափառ Հայրապետը:

Ս. պատարագին ներկա են նաև Մայր Աթոռի ողջ միաբանությունը, հոգևոր ճեմարանի դասավիտները, ուխտավորներ, մայրականքի պաշտոններությունն ու աշխատավորությունը: «Հայր մեր»-ից առաջ քարոզում է պատարագիչ սրբազանը՝ «Ո՛ տայր զույն իմ ջուր, եւ զաչս իմ աղբերս արտասուաց, եւ լայի զծողովուրդս զայս՝ զտիւ եւ զգիշեր եւ զվիրաւորեալս դատեր ծողովըրդեան իմոյ» (Երեմ. Թ 1) քննաբանով, ոգեկոչում է հիշատակը Ապրիլյան եղեռնի մեծ նահատակների, որոնք ընկան «վասն Յիսուսի և վասն հայրենեաց» անհավասար մարտում:

Քարոզիչ սրբազանը իր խոսքի մեջ շեշտում է այն միտքը, թե հայ ժողովուրդը կարողացավ դիմանալ մեծ փոթորկին իր հավատքի շնորհիվ, կարողացավ իր նահատակությունը վերածել հաղթանակի, և այսօրվա մեր վերածնած հայրենիքը հավերժական հուշարձանն է մեր նահատակներին:

Ս. պատարագի ավարտին Վեհափառ Հայրապետը եկեղեցական թափորով առաջնորդվում է Մայր տաճարի հյուսիսային կողմում կանգնեցված նահատակաց հուշարձանը, որը ծածկված էր թարմ ծաղիկներով, և նախագահում հոգեհանգստյան հանդիսավոր արարողությանը, որին ներկա է լինում նաև հավատացյալների և ուխտավորների հոծ բազմությունը երկյուղած բարեպաշտությամբ և հարգանքով:

Ժամը 15-ին Մայր Աթոռի միաբանությունն ու հոգևոր ճեմարանի ուսանողությունը ուխտի են գնում Ծիծեռնակաբերդ՝ Ապրիլյան նահատակների հուշարձան, և կատարում հոգեհանգիստի արարողություն՝ իրենց հարգանքի տուրքը մատուցելով մեր նահատակների խնկելի հիշատակին:

* *

Ապրիլի 25-ին, կիրակի.—Աշխարհամատրան. Կանաչ կիրակի.

Մայր տաճարում և պատարագ է մատուցում տ. Հակոբ քհն. Հակոբյանը:

Ժամը 12-ին Վեհափառ Հայրապետը եկեղեցական թափորով առաջնորդվում է

Մայր տաճար՝ ԱՄՆ-ից, Արգենտինայից, Եգիպտոսից, Լիբանանից ժամանած ուխտավոր հավատացյալների ողեկությամբ:

Վանքի շրջափակը և Մայր տաճարը լիքն են հավատացյալ ու խոտմեղամ բազմությամբ, որոնք խանդավառորեն և երկյուղած բարեպաշտությամբ ողջունում են Հայոց Հայրապետին:

«Հայր մեր»-ի ժամանակ քարոզում է Վեհափառ Հայրապետը Աշխարհամատրան կամ Կանաչ կիրակիի խորհրդի և հոգեվոր նշանակության մասին՝ շեշտելով առաքելական դարում քրիստոնեության հաղթական տարածումը հին աշխարհում, ինչպես նաև Հայաստանում՝ ա. Թադեոս և ս. Բարթողիմեոս առաքյալների քարոզությամբ և նահատակությամբ:

Ժամը 15-ին Վեհափառ Հայրապետը բարեհաճում է Իրեն սեղանակից դարձնել՝ ԱՄՆ-ից՝ Հ. Բ. Ը. Միության երբեմնի վարիչ-քարտուղար Գրիգոր Կիրակոսյանին, ԱՄՆ-ի Այնթապցիների հայրենակցական միության վարչության ատենապետ Կարապետ Սյուլահյանին և Կահիրեի «Ջահակիր»

շաբաթաթերթի խմբագիր Ս. Պալպանին, որոնք ուխտավորաբար գտնվում էին ս. Էջմիածնում և մայր հայրենիքում:

* *

Ապրիլի 26-ին, երկուշաբթի.—Այսօր, ժամը 13-ին, Վեհափառ Հայրապետը այցելում է՝ Հայաստանի նկարչի տան սրահում բացված սիյուոքահայ անվանի նկարիչ Սարգիս Խաչատրյանի ստեղծագործությունների ցուցահանդես:

Ցուցահանդեսում տեղ էին գրավել Հրնդկաստանի և Ցեյլոնի վեց ժայռափոր տաճարների և այլ մեմաստանների որմնանդկարների վավերական պատճենները:

Հանգուցյալ արվեստագետի սույն ստեղծագործությունների պատճենները 1987 թվականից ի վեր տասնյակ տարիներ պահպանվելուց հետո Հայաստան է բերել արվեստագետի այրին՝ ամերիկահայ նկարչուհի Վալա Խաչատրյանը:

Վեհափառ Հայրապետին ընկերակցում էին տ. Հուսիկ եպս. Սանթրոսյանը և Հակոբ սրկ. Գյոկչյանը:

